

SCRIPT OF MORNING GOJRI NEWS BULLETIN 29APRIL 2025 1015HRS

مارننگ گو جری نیوز بلیٹن مورخہ 29 اپریل 2025

یوہ آکا شوانی جموں ہے محبوب سلطانہ تیں خبر سُنو۔

PM YUGM

وزیر اعظم نریندر مودی آج بھارت منڈاپم نوی دہلی مانہہ یو گم اجلاس مانہہ شرکت کریں گا۔ یوگم اجلاس گوسنسکرت مانہہ مطلب ملاپ ہے اک اپنی طرز گو پہلو اجلاس ہے جس مانہہ حکومت صنعت تعلیمی اداراں تے دیگر گا رہنما حکومت صنعت تعلیمی اداراں تے دیگر گا رہنما سانجہ طور ور شرکت کریں گا۔ سرکاری اداراں تے واڈ ون فاعنڈیشن گی طرفوں مشترکہ طور ور ۴۱ سو کروڑ روپیہ گی سرمایہ کاری توں منعقد ہون آلا اس اجلاس گو مقصد بھارت گا ایجادکاری یعنی اننو ویشن نظام مانہہ نجی سرمایہ کاری نانہہ فروغ دینو ہے اس تقریب مانہہ اعلیٰ سطحی گل بات گے نال نال اہم پروجیکٹ ور وی لو پائی جے گی تانجے وکست بھارت گا نظریہ گے مطابق خود انحصار تے ایجادکاری ور مبنی بھارت بنایوں جاسکے۔

J&K ASSEMBLY

جموں کشمیر قانون ساز اسمبلی نے پہلگام دہشت گرد حملہ گی مزمت مانہہ متفقہ طور ور اک قرار دار منظور کی ہے۔ اس قرار دار نانہہ نائب وزیر اعلیٰ سریندر کمار چودھری نے اک خصوصی اجلاس گے دوران پیش کیو جس نانہہ رائے شماری گے زیریے منظور کرلیو گیو واضع رہ جے اس اجلاس گی شروعات دہشت گرد حملہ مانہہ فوت ہون آلا گی یاد مانہہ ۲ منٹ گی خاموشی توں کی گئی۔

DODA RAIDS

دہشت گردی گا نیٹ ورکس گے خلاف اک بڑی کارروائی کرتا مانہہ بسن آلا ۳۱ دہشت گرداں گا گھراں ور چھاپہ ماری کی ہے مہارا نمائندہ گے مطابق یا چھاپہ ماری تے تلاشی کارروائی حالیہ پہلگام دہشت گرد حملہ توں بعد حفاظتی کارروائی مانہہ تیزی گو حصو ہے۔ حکام گے مطابق اس راہ گی چھاپا ماری گو مقصد سرحد پار توں دہشت گردی واسطے کسے وی مقامی حمایت نانہہ

روکنو ہے تے نال ہی نال محکمہ نہ خطراں نانہہ ویلے اندر ناکام بنانوں ہے واضع رہ جے ہون توڑی ان چھاپہ ماری گے دوران کسے نانہہ وی گرفتار نہیں کیو گیو ہے۔

LOC FIRING

پاکستانی فوج نے ۸۲ تے ۹۲ اپریل ۲ ہزار ۵۲ گی درمیانی رات نانہہ قبضہ لکیر ور لوکا ہتھیاراں نال فائرنگ کی ہے واضع رہ جے فائرنگ بارہمولہ تے کیواڑہ ضلع گا سامنے آلا علاقہ غے نال نال اکھنور سیکٹر مانہہ وی کی گئی ہے دفاع گا عوامی ربطہ آلا افسر غے مطابق بھارتی فوج کی طرفوں اس گولی باری گو منہ توڑ جواب دتو گیو تے صورتحال نانہہ پوری طرح قابو برقرار رکھیا واں ہے تے اس سلسلہ مانہہ بھارتی فوج نے سرحد غا حساس علاقہ مانہہ مضبوط دفاعی پوزیشن لے گے حالات ور نزدیکی تیں نظر رکھی وی ہے۔

SCHOOL MOOK DRILLS

پہلگام دہشت گرد حملہ توں بعد پیدا ہون آلی کشیدگی گے پیش نظر پونچھ ضلع مانہہ قبضہ لکیر گے کول کال آلا سکولان مانہہ اختیاء طی قدم چایا گیا ہیں اس ضمن مانہہ حکام نے طالب علماں تے عملا نانہہ کسی وی ہنگامی صورتحال واسطے تیار کرن بارے مشق کرائی ہے تے اس گے نال نال بنکراں کی صفائی تے بحالی غو کموی جاری ہے تانجے حفاظت نانہہ یقینی بنایو جاسکے اس سلسلہ مانہہ انتظامیہ نے صورتحال ور نزدیکی نظر رکھی وی ہے تے اُت گا بسنیکاں تے تعلیمی اداراں نانہہ ہدایت جاری کی گئی ہے جے وے چوکس ریں تے حفاظتی ہدایت ور سختی نال عمل کریں۔

MUNSHI KHAN DARHAL

درہال منگوٹہ تھانہ منڈی سڑک نانہہ گڈیاں لاریاں گی آجائی واسطے کھولن توں بعد مقامی لوکاں مانہہ خاصی خوشی دیکھی جارہی ہے واضع رہ یاہ سڑک ۹۱ سو ۷۶ مانہہ شروع کی گئی جس ور کئی وجہ توں کم کاج ٹھپ رہیو جد کہ اس ویلے یا سڑک مرکزی سرکاری تے ریاستی سرکار گی کوششاں سنگ گڈیاں گی آؤ جائی واسطے کھول دتی گئی ہے اس ضمن مانہہ گو جرجاٹ گانفرنس گا صدر منشی خان چودھری نے شکریو ادا کیو تے ریاستی مرکزی سرکار توں مطالبو کرتا مانہہ کیو جے ۲ ہزار ۸ مانہہ پلنگا کورٹ تھانہ منڈی درہال نالہ ور پُل گو کم کاج شروع کیو گیو تھو جہڑو اجیں توڑی پورو نہیں کیو گیو اس ضمن مانہہ اُنہاں نے سرکار توں مطالبو کرتا مانہہ کیو جے اس پل ور کم شروع کیو جے تانجے بڑی تعداد مانہہ لوکاں نانہہ فائدو حاصل ہو سکے۔

DC KISHTWAR PUB DARBAR

ڈپٹی کمشنر کشتواڑ راجیش شون نے پچھلے تہاڑے عوامی رسائی گا پروگرام غے تحت سب ڈویزن مڑواہ غا واڈون علاقہ مانہہ ایک عوامی دربار منعقد کیو۔ جس گو مقصد اُت گالوکاں سنگ براہ راست جڑنو تے اُن گی ترقیاتی ضرورتاں گو جائیزو لینو تھو اس گل بات گے دوران مقامی لوکانگی طرفوں بکھبکھ معملان نانہہ چایو گیو جن مانہہ سڑک رابطو صحت غی دیکھ بھال تعلیم تے بنیادی ضرورت شامل ہیں ڈپٹی کمشنر نے اس دوران اُنہاں نانہہ یقین دہانی کرواتاں مانہہ کہیو جے اُن گی تمام جائیزہ مانگ نانہہ ویلے سر پورو کیو جے گو تے نال ہی نال اُنہاں نے مجموعی ترقی بارے انتظامیاں گی وعدہ بندی نانہہ وی اُجاگر کیو۔
